

ԴԱՍԱՍԿՈՍԻ ՄԵՋ ԶԻՆՈՒՈՐԱԿԱՆ ՓՈԽԱԴՐԱԿԱՌՔ ՄԸ ԴԱՅԹԵՅԱԼ

Երեքշաբթի, 15 Փետրուար 2022-ին, գիևուրական աղբիւր մը ՍԱՆԱԿ-ի հաղորդեց, որ առաւօտեան ժամը 7:25-ին, Դամասկոսի «Տուար ճամա-



րեք» շրջանին մօտ տեղադրուած գիևուրական փոխադրակառքի մը մէջ ահաբեկիչներու կողմէ տեղաւորուած ական մը պայթեցաւ, որուն հետեւանքով գիևուր մը նահատակուեցաւ եւ 11 վիրաւոր արձանագրուեցաւ:

ՍՈՒՐԻՈՅ ՀԱՅ ԴԱՏԻ ՅԱՆՁՆԱՏՈՒԽԲԸ ԽՍՏԻ ԿԸ ԴԱՏԱԴԱՐՏԷ ԱՏՐՊԵՅՃԱՆԻ ԿՈՂՄԷ ԿԻՐԱՌՈՒԿԾ ՄՇԱԿՈՒԹԱՅԻՆ ՅԵՂԱՍԴԱՆՈՒԹԻՒՆԸ ՀԱՅ ԺՈՂՎՈՒՐԻՆ ՆԿԱՏՄԱՐ

Սուրիոյ Հայ Դատի Յանձնախումբը իր մտահոգութիւնը կը յայտնէ Արցախեան վերջին պատերազմին հետեւանքով բռնագրաւուած հայկական հողերու մշակութային կոթողներու ճակատագրին գծով յատուկ յանձնախումբ ստեղծելու Ատրպեյճանի իշխանութիւններուն որոշումին համար, որ կը նպատակադրէ՝ հայկական սրբատեղիներու, պատմամշակութային կոթողներու եւ տեղանուններու նենգափոխումը, ինչպէս նաեւ շրջանի հայկական հետքերու ջնջումն ու այդ հարստութեան իւրացումը: Տուեալ քայլը անգամ մը եւս կու գայ հաստատելու այն ակնյայտ փաստը, որ ատրպեյճանական իշխանութիւններու վերահսկողութեան տակ գտնուող հայկական մշակութային ժառանգութիւնը ենթակայ է իր պատմական արմատներէն պոկուելու իսկական վտանգին: Սոյն արարքը միջազգային հանրութեան եւ փորձագիտական շրջանակներուն մօտ յստակ համոզում կը յառաջացնէ, թէ մշակութային եւ կրօնական կոթողներու, սրբատեղիներու ոչնչացումն ու սրբապղծումը ոտնձգութիւն են ժողովուրդներու արժանապատուութեան, իսկ Ատրպեյճան կը նպատակադրէ մէկընդմիջտ խափանել պատմական փորձութիւններուն դիմակայելու եւ զարգանալու հայ ազգին կարելիութիւնը: Ան, ինչպէս անցեալին, այսօր եւս կը շարունակէ իր հակահայկական քաղաքականութիւնը: Եթէ Ատրպեյճանի համար Դարաբաղեան հակամարտութիւնը սկզբնական փուլով կը ծառայէր պատմութեան եւ մշակոյթի դէմ մեքենայութիւններ հիւսելու՝ արդարացնելու նախկին Ատրպեյճանական Խորհրդային Հանրապետութենէն հայկական բնակչութեան բռնի տեղահանումը, ներկայիս Ատրպեյճան կը միտի Արցախի դէմ ի գործ դրուած ռազմական ուժի ապօրինի կիրարկումը օրինականացնել: Արդարեւ, Սուրիոյ Հայ Դատի Յանձնախումբը խստիւ կը դատապարտէ Ատրպեյճանի կողմէ կիրառուած մշակութային ցեղասպանութիւնը հայ ժողովուրդին նկատմամբ, նաեւ կոչ կ'ուղղէ միջազգային հանրութեան կանխարգիլելու եւ կասեցնելու Ատրպեյճանի անմարդկային եւ գազանարար արարքը, եւ գայն միջազգային ատենաներու մօտ դատելու, որպէս պատերազմական ռճիր:



Սուրիոյ Հայ Դատի Յանձնախումբ

ԴՍԱԿԱՉԵԻ ԺԱՆՐԻ ԴԱՏՈՒԱՏՈՒԽԻ ԵՐԿՐՈՐԴ ԱՐՇԱԼ

Շաբաթ, 12 Փետրուար 2022-ի առաւօտեան ժամը 10:30Էն սկսեալ, Ազգ. Զարէն Եփփէ Ճեմարանի շրջափակին մէջ Հայէպի Նահանգային Խորհուրդի հայ համայնքի ներկայացուցիչներուն համադրմամբ, Բերիոյ Հայոց Թեմի Ազգ. Առաջնորդարանը, գործակցաբար Հայէպի Առողջապահական Տնօրէնութեան հետ, կազմակերպեց պսակածել ժաիրին դէմ պատուաստումի երկրորդ արշաւը:



Արշաւին նպատակն էր օգտակար դառնալ համայնքի գաւակներուն դիրքացնելու անոնց պատուաստ ստանալու գործընթացը:



Այս արշաւին երկու տեսակ՝ չինական եւ անգլիական, պատուաստ ստացան 170 հայորդիներ եւ շրջանի բնակիչներէն շատեր:

Հայէպահայ Նազարթ Մելքոնեան, որ եկած էր տիկնոջ հետ պատուաստ ստանալու ըսաւ. «Պատուաստը կարելոր կը համարեմ իմ եւ ընտանիքիս առողջութեան համար: Ուստի արձանագրուելով «Տիգրանեան» կեդրոն, այսօր ներկայացանք պատուաստումի: Շնորհակալութիւն կազմակերպիչ մարմինին եւ Առողջութեան Նախարարութեան, որ անվճար տրամադրեց պատուաստը, ինչպէս նաեւ Ազգ. Առաջնորդարանին, որ ճեմարանէն ներս նման նախաձեռնութեան կազմակերպման առիթը ընծայեց»:

Կարպիս Զեօշկերեան, որ եկած էր պատուաստ ստանալու տիկնոջ եւ երեք դուստրերուն հետ ըսաւ. «Աշխատանքը կազմակերպուած է բժիշկներ իւրաքանչիւրիս համապատասխան խորհուրդներ կու տան նախքան պատուաստումը, ուստի մտահոգիչ ոչ մէկ բան կայ: Կը գնահատեմ աշխատանքը եւ շնորհակալութիւն կը յայտնեմ բոլորին»:



Իսկ Նանոր Տեր Ներսեսեան՝ հայէպի պետական համալսարանի ուսողութեան ճիւղի երկրորդ կարգի ուսանողուհի, որը շրջան մը տատամսելէ ետք ներկայացած էր պատուաստումի՝ իր եւ ընտանիքիս առողջութեան պահպանման նախանձախնդիր ըլլալով եւ վստահելով բժիշկներու խորհուրդին:

Արշաւը տեւեց մինչեւ յետմիջօրեի ժամը 3:00:

Ժիրայր Կարապետեան

Խմբագրական

ՈՒՔՐԱՆԻՈՅ ՏԱԳՆԱՊԻՆ ԱՉԴԵՑՈՒԹԻՒՆԸ Կ'ԵՐԿԱՐԻ ՄԻՆՉԵՒ ՄԻՋԵՐԿՐԱԿԱՆ ԾՈՎ

Օրեր առաջ նկատելի դարձավ Ռուսիոյ Պաշտպանութեան Նախարարութեան ներկայացուցիչներու այցելութիւնները Սուրիա՝ սոր կործանիչներով եւ հրթիռներով զինելու Միջերկրականի ռուսական նաւատորմն ու Յմէյմիմ զինուորական կայանը:

Այս անգամ նկատելի էր լրատուութեանց եւ հաղորդագրութիւններու ընդմէջէն ռուսական կողմին յստակ ուղերձը՝ Արեւմուտքին, յատկապէս ՆԱԹՕ-ին:

Եթէ Ռուսիոյ Պաշտպանութեան Նախարարութեան բարձրաստիճան պաշտօնեաներու նախկին այցելութիւնները Սուրիա եւ Յմէյմիմ կայան կարճ հաղորդագրութեամբ մը կը յայտարարուէին, այս անգամ այցելութեան եւ անոր նախորդող ռուսական կործանիչներու Սուրիա փոխադրելու նպատակին մասին յստակօրէն կը յայտարարուէր, ոչ միայն ռուսական պաշտօնական մամուլով, այլեւ սուրիական մամուլով:

Ռուսիոյ Պաշտպանութեան Նախարարութիւնը հաղորդագրութեամբ մը կը յայտարարէր, որ «Չինուորական այս ինքնաթիռները տեղափոխուած են Միջերկրական ծով ՆԱԹՕ-ի օդային ուժերու առկայութիւնը նկատի ունենալով: Այս կործանիչներն ու ռմբակոծիչները պիտի մասնակցին Միջերկրական ծովու արեւելեան հատուածին մէջ ռուսական ռազմածովային զինուորական մարզումներուն»:

Յստակ է, որ Ռուսիա ուղերձ կը յղէ Արեւմուտքին, որ Ուքրանիոյ հարցի սրման պարագային վտանգի կրնայ ենթարկել ՆԱԹՕ-ի ուժերը եւ Ուքրանիոյ վրայ յարձակման անոնց մասնակցութիւնը ձախողութեան դատապարտել:

Այս զարգացումներուն լոյսին տակ, սուրիական «Ուաթան Անլայն»-ը կը հաղորդէր, որ Ռուսիոյ պաշտպանութեան Նախարար Սերկէյ Շուէյկովի Դամասկոս այցելութիւնը եւ անոր հանդիպումը Նախագահ Պաշշար ալ Ասատի հետ ուղղակիօրէն կապուած են ուքրանական ճակատի սրման եւ անոր սուրիական ճակատին առնչումին հետ:

Ազբիրը կ'աւելցնէր, որ Շուէյկովն Նախագահ Ասատին տեղեկացուցած է մանրամասնութիւնները ռազմական այն զօրավարութիւններուն, զորս ռուսական ուժերը պիտի սկսին սուրիական ափէն՝ ուքրանական ճակատին սրման հետ:

Պաշտօնական այս լրատուութիւնը ուղերձ մըն է արեւմուտքին այն առումով, որ Յմէյմիմ ռազմական կայանը պարզապէս ահաբեկչութեան դէմ պայքարի յենակէտ չէ այլեւս, անոր դերը կը գերազանցէ Սուրիոյ աշխարհագրութեան սահմանները՝ որպէս ռազմական յարձակումներու դէմ պաշտպանութեան խիզակ Միջերկրականի աւազանին մէջ, ռուսարեւմտեան միջազգային բախումներու սկսման պարագային:

Ռուսական զինուորական վարժութիւնները պիտի սկսին յառաջիկայ օրերուն:

Ուժերու ցուցադրութեան այս շարանը պիտի երկարի մինչեւ Ուքրանիոյ տագնապի լուծման եղանակի յստակացումը:


Լուծման պատերազմական տարբերակը բնականաբար պիտի առաջնորդէ լայնածաւալ պատերազմի, որուն մէջ պիտի ներքաշուի նաեւ Միջին Արեւելքը՝ իր աշխարհագրական դիրքին եւ Միջերկրականի մէջ ռուսական ու ՆԱԹՕ-ի ուժերու կուտակման հետեւանքով:

Պատերազմի բռնկումով պիտի ազդուի նաեւ հարաւային Կովկասը, յատկապէս Յայաստանը, որուն սահմանին կանգնած են արդէն Ատրայէճանն ու Թուրքիան:

Պատերազմի բռնկման պարագային նուազագոյն վնասներով դուրս գալու քաղաքականութեան մշակման հրամայականին առջեւ են ե՛ւ Յայաստանը, ե՛ւ Սուրիան:

«Գ.»

-Երեքշաբթի, 15 Փետրուար 2022-ին, Սուրիոյ Նախագահութեան պաշտօնական կայքը հաղորդէր, որ Սուրիոյ Նախագահ Պաշշար ալ Ասատ ընդունեց Ռուսիոյ պաշտպանութեան նախարար Սերկէյ Շուէյկովն, որ Սուրիա այցելած էր գլխաւորելով զինուորական բարձր մակարդակի պատուիրակութիւն մը, հսկելու համար Թարթուսի նաւահանգիստէն ներս ռուսական զինուորական նաւատորմին մէջ ծովային զինուորական մարզումներուն: Հանդիպումին ընթացքին կողմերը խորհրդակցեցան Ռուսիոյ եւ Սուրիոյ այլազան ոլորտներու գործակցութեան, յատկապէս ահաբեկչութեան դէմ պայքարին մասին: Նախարար Շուէյկով վերահաստատեց, որ Ռուսիա պիտի շարունակէ զօրակցիլ Սուրիոյ՝ ահաբեկչութեան դէմ պայքարին մէջ, ինչպէս նաեւ Սուրիոյ ժողովուրդին զօրավիգ պիտի կանգնի մինչեւ Սուրիոյ ամբողջական ազատագրումը, հակառակ անոր, որ զինեալ ահաբեկչական խմբաւորումները հովանաւորող պետութիւնները ջանք չեն խնայեր Սուրիոյ մէջ ահաբեկչական շարժումը վերաշխուժացնելու:



-16 Փետրուարին, «Ուաթան Անլայն» հաղորդէր, որ Ռուսիոյ արտաքին գործոց նախարար Սերկէյ Լաւրով ՄԱԿ-ի քարտուղար Անթոնիօ Կուրիերեթսի հետ խորհրդակցեցաւ Սուրիոյ, Լիպիոյ, Պալէստինեան երկիրներու իրավիճակին եւ այլ հարցերու շուրջ:

Այս առիթով Ռուսիոյ Արտաքին Գործոց Նախարարութիւնը հաղորդագրութիւն մը հրապարակեց, ուր յայտնեց. «Լաւրով Կուրիերեթսը տեղեկ պահեց Ռուսիոյ եւ Եւրոպայի գործակցութեան ու Անվտանգութեան Կազմակերպութեան անդամ պետութիւններուն միջեւ տեղի ունեցած Սուրիոյ եւ Լիպիոյ իրավիճակին առնչուող խորհրդակցութիւններուն արդիւնքներէն»:



-Նոյն օրը տեղական աղբիւրներ «Ուաթան Անլայն»ին հաղորդեցին, որ թրքական ուժեր Յալէպի հիւսիսային արուարձանի «Թալ Ռաֆաթ» քաղաքը ռմբակոծեցին, որուն հետեւանքով 3 քաղաքացի վիրաւորուեցաւ:



-Միւս կողմէ, Երեքշաբթի, 15 Փետրուար 2022-ին, ՍԱՆԱ հաղորդէր, որ ռուսական զինեալ ուժերու ընդհանուր սպայակոյտի զինուորական գործողութիւններու տնօրէնութեան փոխնախարար Սթանիսլաւ Կատոնիակով միտով դատապարտեց ԱՄՆ-ի Սուրիոյ վրայ բանեցուցած տնտեսական պատժամիջոցներուն ճնշումը, շեշտելով, որ անոր հետեւանքով Սուրիոյ ժողովուրդին կենսամակարդակը վատթարացած է: Ան յայտնեց, որ Սուրիոյ դէմ ԱՄՆ-ի որդեգրած «Կայսեր Օրէնք» կոչուած տնտեսական պատժամիջոցները երկրին մէջ օտար, ներառեալ ռուսական, մեծաթիւ ընկերութիւններու գործունեութիւնը կասեցուցին: Ռուս զօրավարը աւելցնելով ըստ, որ օտար ընկերութիւններ զգուշանալով ամերիկեան պատժամիջոցներէն, կը խուսափին Նոյնիսկ Սուրիոյ մէջ շահաբեր ծրագիրներու մասնակցելէ: Ան շեշտեց, որ Ռուսիա խստիւ կը դատապարտէ Սուրիոյ ժողովուրդի կենսամակարդակը խոցող արեւմուտքի տնտեսական պատժամիջոցները: Աւելցնելով, որ Ռուսիոյ արտաքին գործոց նախարար Սերկէյ Լաւրով նախապէս յայտարարած էր, թէ օտար շարք մը ընկերութիւններ կը խուսափին Սուրիոյ հետ տնտեսական ձեռնարկութիւններէ, որովհետեւ կը զգուշանան ամերիկեան «Կայսեր Օրէնք»ին հետեւանքներէն:



Լուրեր Հայաշխարհին

ՀՀ ԵՒ ՌՈՒՄԻՆՅՈՅ ԱՐՏԱՔԻՆ ԳՈՐԾՈՅ ՆԱԽԱՐԱՐՆԵՐԸ ՄԻՏՔԵՐ ՓՈԽԱՆԱԿԱԾ ԵՆ ՀԱՅԱՍՏԱՆԻ ԵՒ ԹՈՒՐԵՒՆՅՈՅ ՄԻՋԵՒ ՅԱՐԱԲԵՐՈՒԹԻՒՆՆԵՐՈՒ ԿԱՐԳԱԿՈՐՄԱՆ ՄԱՍԻՆ

ՀՀ արտաքին գործոց նախարար Արարատ Միրզոյան 15 Փետրուարին հեռաձայնային գրոյց ունեցած է Ռուսիոյ արտաքին գործոց նախարար Սերկեյ Լավրովի հետ:



Արարատ Միրզոյանն ու Սերկեյ Լավրովը անդրադարձած են 9 Նոյեմբեր 2020-ի, 11 Յունուար 2021-ի եւ 26 Նոյեմբեր 2021-ի եռակողմ յայտարարութիւններով ձեռք բերուած համաձայնութիւններուն իրագործման ընթացքին:

Չրուցակիցները ընդգծած են հայ-ատուրպայեանական սահմանին կայունութեան եւ անվտանգութեան մակարդակը բարձրացնելու քայլերը եւ սահմանազատման ու սահմանագծման հարցերու համակարգումը:

Ադրբեյջանի համաձայն, հեռաձայնային գրոյցի ընթացքին, ՀՀ եւ Ռուսիոյ արտաքին գործոց նախարարները անդրադարձած են երկկողմ եւ բազմակողմ հարթակներու վրայ գործակցութեան, ինչպէս նաեւ՝ տարածաշրջանային ու միջազգային օրակարգային հարցերու: Միտքեր փոխանակուած են Հայաստանի եւ Թուրքիոյ միջեւ յարաբերութիւններու կարգաւորման գործընթացին մասին:

ՀՅԴ ԼԻԲԱՆԱՆԻ ՀԱՅ ԴԱՏԻ ՄԱՐՄԻՆԸ ՈՂԶՈՒՆԵՅ ԻՒՆԵՍԵՔՕ-Ի ՄԱՍԼՈՅ ԳՐԱՍԵՆՆԵԱԿԻ ԱՇԽԱՏԱԿԻՑԻՆ ՅԱՅՏԱՐԱՐՈՒԹԻՒՆԸ

ՀՅԴ Լիբանանի Հայ Դատի Մարմինը 15 Փետրուար 2022-ին լիբանանեան լրատուամիջոցներուն յղեց հաղորդագրութիւն մը՝ ողջունելով ԻՒՆԵՍԵՔՕ-ի մամլոյ գրասենեակի աշխատակից Թովմաս Մալարտի յայտարարութիւնը, որ կ'առնչուէր Ատրպեյճանի մշակոյթի նախարար Անար Զերիմովի 3 Փետրուարին կատարած այն յայտարարութեան, թէ Ատրպեյճանի մէջ ձեւաւորուած է «տեղացի եւ օտարերկրացի մասնագետներէ» կազմուած «աղուանական պատմութեան եւ ճարտարապետութեան մասնագետներու աշխատանքային խումբ», որուն նպատակն է այսպէս կոչուած «աղուանական տաճարներէն» ջնջել «հայերու ձգած կեդք արձանագրութիւնները»:

Մալարտ յայտարարեց. «Մշակութային ժառանգութիւնը եւ պատմութիւնը պետք չ'է քաղաքական որոշեալ նպատակի համար գործիք դառնան: Մենք ամբողջ աշխարհի տարածքին մեր անդամ պետութիւններուն կողմէ կ'ողողենք յարգելու այս սկզբունքը»:



Ան նաեւ յայտնեց, թէ ԻՒՆԵՍԵՔՕ-ն կ'աշխատի թեքնիք առաքելութիւն մը Արցախի Հանրապետութեան բռնագրաւեալ տարածքներ ուղարկելու ուղղութեամբ՝ աւելցնելով. «Յոյս ունինք, որ ատիկա շուտով կարելի պիտի ըլլայ, սակայն այս պահուն ատոր համար անհրաժեշտ պայմաններ չկան: Ուստի քննարկումները տակաւին կը շարունակուին»: ՀՅԴ Լիբանանի Հայ Դատի մարմինը ողջունեց ԻՒՆԵՍԵՔՕ-ի մամլոյ գրասենեակի աշխատակիցին կեցուածքը եւ յոյս յայտնեց, որ Ատրպեյճան կը դադրեցնէ ԻՒՆԵՍԵՔՕ-ի թեքնիք առաքելութեան Արցախի Հանրապետութեան բռնագրաւեալ տարածքներ այցելութեան խոչընդոտումը, եւ այդ այցելութիւնը շուտով տեղի կ'ունենայ: ՀՅԴ Լիբանանի Հայ Դատի մարմինը նաեւ յիշեցուց, որ Լա Յէյի Միջազգային արդարութեան դատարանը 7 Դեկտեմբեր 2021-ին «Հայաստանն ընդդէմ Ատրպեյճանի» գործով իր վճիռին մէջ Ատրպեյճանին հրամայած էր «բոլոր պետք եղած քայլերը որդեգրել կանխարգիլելու եւ պատժելու համար հայկական մշակութային ժառանգութեան, ներառեալ, սակայն, ոչ միայն, եկեղեցիներու եւ պաշտամունքի այլ վայրերու, յուշակոթողներու, գերեզմանատուներու եւ մշակութային կոթողներու դէմ վանտալիզմի եւ սրբապղծման բոլոր արարքները», իբրեւ ցեղային խտրականութեան ամեն ձեւերու ջնջման միջազգային հռչակագրի գործադրման ծիրին մէջ նախնական քայլ:

ՏԵՂԻ ՈՒՆԵՑԱՄ ՀՅԴ ԱՇԽԱՐՀԱՍՓԻՒՈՒ ՌԻՍԱՆՈՂԱԿԱՆ ՄԻՈՒԹԻՒՆՆԵՐՈՒ ԱՌՅԱՆՅ ԽՈՐՀՐԱԺՈՂՈՎԸ

ՀՅԴ Բիւրոյի Երիտասարդական Գրասենեակը կը հաղորդէ, որ 12-13 Փետրուար 2022-ին, տեղի ունեցաւ ՀՅԴ Երիտասարդական Խորհուրդի Ռուսանողական Յանձնախումբի կազմակերպած ՀՅԴ աշխարհասփիւռ ուսանողական միութիւններու առցանց խորհրդաժողովը, որուն իրենց մասնակցութիւնը բերին ՀՅԴ Հայաստանի՝ Նիկոլ Աղբալեան, Լիբանանի՝ Չաւարեան, Սուրիոյ՝ Զրիստափոր, Իրանի՝ Յովսէփ Դաւթեան, Արեւմտեան ԱՄՆ-ի՝ Շանթ եւ Զանատայի՝ Արմէն Գարո Ռուսանողական Միութիւններէն ներկայացուցիչներ, Ռուսանողական Յանձնախումբէն անդամներ, Երիտասարդական Գրասենեակի պատասխանատուները եւ ՀՅԴ Բիւրոյի Երիտասարդական Հարցերու ներկայացուցիչ ընկերը:



Առաջին օրուան օրակարգով իւրաքանչիւր միութիւն հանգամանօրէն ներկայացուց միութեան իրավիճակը, ապա կազմակերպուեցաւ կլոր սեղան, որուն մասնակցեցան նաեւ նախանցեալին ուսանողական միութիւններու մէջ գործունեայ պատասխանատուներ: Շահեկան գրոյցի ընթացքին քննարկուեցան ՀՅԴ Ռուսանողական Միութիւններու առաքելութիւնը, անոնց առջեւ ցցուող մարտահրաւերները եւ յառաջիկայ գործունեութեան հեռանկարները:

Երկրորդ օրը խորհրդաժողովը քննարկման առարկայ դարձուց Ռուսանողական Միութիւններու կազմակերպական կառոյցի եւ կանոնագրային պատշաճեցման միտումը կէտերը եւ գործունեութիւնը ընդլայնելու ու նոր անդամներով շարքերը խտացնելու ծրագիրները: Յատուկ ուշադրութեան արժանացան Հայ ուսանող եւ ուսանողական միութիւններու միջեւ ծաւալելիք համատեղ ծրագիրները: Խորհրդաժողովը անգամ մը եւս հաստատեց ՀՅԴ ուսանողական միութիւններու յանձնառութիւնը՝ հայրենիքի պաշտպանութեան, հայութեան ինքնութեան պահպանման ու կերտման եւ անոր արդար դատի ու պահանջատիրութեան համար՝ համալսարանական եւ ակադեմիական շրջանակներու մէջ իրենց կարողականութիւնը ի սպաս դնելու: Խորհրդաժողովը կարեւորութեամբ շեշտեց դաշնակցական ուսանողական միութիւններու բազմատեսակ գործունեութեան խթանումը հայ ուսանողութիւնը յուզող ու հետաքրքրող հարցերու բարուք լուծման:

ԱՌՅԱՆՅ ԽՈՐՀՐԱԺՈՂՈՎՆԵՐ ԽՈՐՀՐԱԺՈՂՈՎ ԵՒ ԲՈՆԱԳՐԱՌՈՒՄ ՏԱՐԱԾՔՆԵՐՈՒ ՄԱՍԻՆ ՕՐԵՆԸ

16 Փետրուարին տեղի ունեցած է Արցախի Հանրապետութեան Ազգային Ժողովի հերթական նիստը, ուր օրակարգի վրայ դրուած էին «Բռնագրաւուած Տարածքներու Մասին», «Քաղաքացիական Օրէնսդրոյցի Մէջ Լրացում Կատարելու Մասին» օրէնքներու նախագիծերու փաթեթը:



«Բռնագրաւուած Տարածքներու Մասին» օրէնքի համահեղինակներ են Արցախի Հանրապետութեան Ազգային Ժողովի բոլոր խմբակցութիւններու ղեկավարները եւ Արցախի Հանրապետութեան Ազգային Ժողովի նախագահը:

Նիստին ընթացքին հիմնական զեկուցող, ՀՅԴ խմբակցութեան ղեկավար Արթուր Մոսիսեան ներկայացուցած է օրէնքի նախագիծը, կառավարութեան առաջարկները եւ առաջարկած է անսկիւ առաջին ընթերցումով ընդունիլ:

Կատարուած քուէարկութեան ընթացքին Ազգային Ժողովը առաջին ընթերցումով միաձայնութեամբ ընդունած է «Բռնագրաւուած Տարածքներու Մասին» ԱՅ օրէնքը:

Թուրքիոյ նուրջ

«Ժողովրդավարութեան Ինստիտուտ 2021»-ի ԵԻՋ ԹՈՒՐԻԱՆ 103-ՐԿՆ Է

Բրիտանական «Economist Intelligence Unit» հետազօտական եւ վերլուծական ընկերութիւնը ներկայացուցած է «Ժողովրդավարութեան ինստիտուտ 2021» զեկոյցը...



2021 թուականը, որուն մէջ 167 երկիրներու մէջ Թուրքիան յայտնուած է 103-րդ դիրքին վրայ եւ կրկին դասուած «բնատիրական վարչակարգեր» ու շարքին:

Այս մասին կը յայտնէ «Deutsche Welle»-ի թղթերէն ծառայութիւնը:

Կը նշուի, որ 2020-ի համեմատութեամբ, այնուհանդերձ, Թուրքիան բաւելաւած է իր տեղը 1 դիրքով:

Ըստ զեկոյցին՝ աշխարհի ամենաժողովրդավարական երկիրներն են՝ Նորվեգիան (9,75 կէտ), Նոր Զելանտիան (9,37 կէտ) եւ Ֆիլիպիններն (9,27 կէտ): Ինստիտուտը կ'ըզրօտական Կֆձ արժեքը՝ 0,32 կէտով:

ՈՒՔՐԱՆԻՈՅ ԵՒ ԹՈՒՐԻԱՆ ԱՐՏԱԲԻՆ ԳՈՐԾՈՑ ՆԱԽԱՐԱՐՆԵՐԸ ԿԸ ՔՆՆԱՐԿԵՆ ԼԱՐՈՒԿԱՑՈՒԹՅՈՒՆԸ ՄԵՂԱՏՆԵԼՈՒ ԴԻՒԱՆԱԳԻՏԱԿԱՆ ՈՒԴԻՆԵՐԸ

Ուքրանիոյ արտաքին գործոց նախարարը թուրքերէն գրառումով մը յայտնած է, որ Ուքրանիոյ եւ Թուրքիոյ արտաքին գործոց նախարարներ Տմիր Քուլեպա եւ Մելիւթ Չաւուշօղլու քննարկած են ՍԵ եւ ԱԳՈՎԻ ծո-վերու ջրային տարածքներուն մէջ տիրող իրա-վիճակը...



Ան ողջունած է «Ան-գարայի աշխուժ ջանքե-րը»: Անոր համաձայն, Զուլեպա եւ Չաւուշօղլու քննարկած են Ուքրանիոյ եւ Թուրքիոյ միջեւ զինուորական արհեստա-գիտութեան գործակցութեան գարգացման միջոցները:

Ուքրանիոյ արտաքին գործոց նախարարը թուրքերէն գրառումով մը յայտնած է, որ Ուքրանիոյ եւ Թուրքիոյ արտաքին գործոց նախարարներ Տմիր Քուլեպա եւ Մելիւթ Չաւուշօղլու քննարկած են ՍԵ եւ ԱԳՈՎԻ ծո-վերու ջրային տարածքներուն մէջ տիրող իրա-վիճակը, ինչպէս նաեւ Ուքրանիոյ շուրջ լա-րուածութիւնը մեղմաց-նելու դիւանագիտական ուղիները:

ՍՕ Խաչ Երջանային Վարչութիւն Առողջապահական Յանձնախումբ

ՊԱՇՏՏՆԵԱՅԻ ԿԱՐԻՔ

- ՍՕ Խաչի դարմանատունը կարիքը ունի լիաժամ աշխատանքով հետեւեալ պաշտօններուն. 1.- Հիւանդներու ընդունման եւ համակարգչային հաշուապահա-կան յայտագիրներու օգտագործման հմտութիւն ունեցող անձի: 2.- Վկայեալ հիւանդապահ-բուժքոյրի: Հետաքրքրուողները կրնան հեռաձայնել հետեւեալ թիւերուն՝ 0967 115286 - 0991 530773:

ՈՒՔՐԱՆԻԱ... Սկիզբ՝ Էջ 5

Ժամանակած Ռուսիոյ եւ անոր գործակիցներուն իսկ Ռուսիան ի վիճակի չէր չհանդուրժելու այս շարժը (չանտեսենք տնտեսական շահակցութիւնները...): Իր շահերն ու ազդեցութեան գոտիները ըստ կարելոյն պահպանելու համար, Ռուսիա ստեղծեց զինուորական-ապահովութեան եւ տնտեսական գործակցութեան ծանօթ համակարգերը: Անոց անդամ է նաեւ Յայաստա-նը, սակայն վերջին տարիներուն բաց գաղտնիք է, որ Յայաստանի մէջ կան, Վրաստանի հետեւողութեամբ՝ Արեւմուտքին մերձեակալու, միւլչել իսկ ռու-սական գորակայանը փակելով՝ ՆԱԹՕ-ին հող տալու ընտրանքը հետա-պնդողներ. ու գարմանայի չէ, որ «Թաւշեայ Յեղափոխութենէն» ետք, Յա-յաստան այցելող առաջին բարձրաստիճան պատուիրակներէն մէկը կը կոչուեր... Ընդ որում, իսկ երեւան-Մոսկուա զինակցական-բարեկամական կապերը անկէ ի վեր քանկցաւ անցան ջերմ ու պարզ փուլերէ:

Մինչ Ռուսիա կը յանկերգէ միայն իր շահերն ու ազդեցութեան գոտիին պահպանելու նախանձախնդրութիւնը, Արեւմուտքը, Ուաշինկթընի խմբա-վարութեամբ, կ'ըսէ, թէ ՆԱԹՕ-ին տարածումը, նոր անդամներու ներգրա-ւումը պէտք չէ որեւէ արգելքի դիմաց կանգնի: Այս տեսակետը կ'արդա-րացուի ըսելով, որ իւրաքանչիւր երկիր իրաւունք ունի որոշելու, թէ ո՞ր գո-րակայանին կ'ուզէ մաս կազմել, այսինքն, եթէ Ուքրանիա (կամ ուրիշ մը) որոշէ անդամակցիլ ՆԱԹՕ-ին, Ռուսիա իրաւունք պէտք չէ ունենայ արգելք դնելու: Նորագոյն տարազը՝ Ուքրանիան իբրեւ «չէզոք գոտի» ճանչնալու է: Արեւմուտքը չի սիրեր խօսիլ այն բաներուն մասին, թէ ինչպէ՞ս պատահե-ցաւ, որ Ուքրանիոյ մէջ իբրեւ ռուսամետ ճանչցուած իշխանութիւն մը (Պե-լուճուսիան աւելի յստակ դիրքորոշում ունի ի սկզբանէ) օր մըն ալ փոխա-րինուեցաւ Արեւմուտքին սիրահար եւ ՆԱԹՕ-ին անդամակցելու ատրոթակ-ներով տողորուած վարչախումբով մը, կամ թէ ինչո՞ւ աշխարհի այլ շրջաններու մէջ ժողովուրդներու կողորդէ վար կը հրուի արեւմտեան ժո-ղովրդավարութիւն եւ արժեքներ որոշեցուցելու կեդ՞ ու համէ գուրկ պատառ-ները, ասոր-անոր կը պարտադրուի ընտրել այս կամ միւս «գորակայանը»: Անտեսելի չէ, անշուշտ, նախկին խորհրդայիններուն զինակիցներուն եւ ար-բանեակներուն մօտ հակա-Մոսկուա տրամադրութիւններուն պատճառնե-րը, որոնք 50-ական եւ 60-ականներէն ի վեր ծանօթ դրսեւորումները ունե-ցած են Յունգարիոյ, Նախկին Չեխոսլովակիոյ, Լեհաստանի եւ այլ երկիր-ներու մէջ:

Բնականաբար չէ մոռցուած, որ դէպի արեւմուտք թեքելու ուքրանա-կան «շարժում»-ին՝ Մոսկուայի հակադարձութիւնը եղաւ բաւական կտրուկ. Խրիմը ի վերջոյ կցուեցաւ Ռուսիոյ, Ուքրանիոյ արեւելեան՝ Տոնպասս նա-հանգը, ռուսական աջակցութեամբ, ինքնավարութեան տարագ մը գտաւ եւ կրնայ... առաջին ռազմադաշտը դառնալ՝ եթէ պատերազմ մը պայթի. արդէն երկար ատենէ ի վեր մեկնաբանութիւններ եւ նախատեսութիւններ կ'ըլլան, թէ Տոնպասսը կրնայ Ռուսիոյ յառաջապահ զինուորը ըլլալ՝ Զիւբին դէմ պատերազմի մը պարագային, եւ Խրիմը կ'ունենայ... երկուորեակ մը:

Մեկ խօսքով, թէ՛ Ռուսիա եւ թէ՛ Ուաշինկթըն (իրենց դաշնակիցներուն հետ) մարդկութեան կը ներկայանան կարծեք թէ ի վերուստ իրենց տրուած իրաւունքները պաշտպանելու դիրքերէ: «Այս գոտին իմս է, հոն ոսք չընես»ը երկուքին կողմէ մէջտեղ նետուած է իբրեւ վահան եւ նախայարձա-կում մը արդարացնելու գէը, կարծեք թէ կ'անտեսուի նաեւ այն, որ աշ-խարհի մէջ ուժերու պատկերը այն չէ, ինչ որ էր «Պաղ պատերազմ»ի, ձիւն-հալի եւ Խորհրդային Միութեան քայքայման փուլերուն: Ռուսիա հիմա ինք-զինք աւելի՛ հզօր կը գգայ, քան 30 տարի առաջ (երբ Կորպայնովին յաջոր-դեց Ելցինը), կ'աշխատի բացայայտօրէն պահպանել իր շահերը: Փետրուարի առաջին շաբաթավերջին, արեւմտեան լրատու աղբիւր-ներ միւլչել իսկ գործածեցին «հին գէը» մը, «սխալմամբ» յայտարարելով, որ ռուսական ուժերը արդէն յարձակման անցած են Ուքրանիոյ վրայ: Լու-րը շուտով յետս կ'ընկնայ, սակայն աշխարհի յիշողութեան մէջ արթնցաւ սարսուռ պատճառած այլ ստայօդ դրուագներ. Իրաքի վրայ յարձակումն ալ արդարացուած էր սուտ լուրերով, Նոյնը պատահած էր Ծոցի առաջին պատերազմին, Քուեյթը պաշտպանելու ելած դաշնակից ուժերուն կողմէ...:

ՄԻԱՍՏՈՒԹԻՒՆ Է... Փոխադարձ մեղադրանքներուն, ինքնարդարացման ճիգերուն եւ պա-տերազ մի թմբկահարման բարձրացուցած աղմուկին մէջ, ո՛չ ոք կը մտածէ ծայն բարձրացնել ու հարց տալ, թէ Արեւելքն ու Արեւմուտքը ինչո՞ւ պէտք է իրենք իրենց իրաւունք տան աշխարհը իրենց միջեւ ազդեցութեան գոտի-ներու բաժնելու, ինչո՞ւ զինու ուժի դիմելու սպառնալիքներ պէտք է հնչեն՝ տարակարծութիւններ դարմանելու համար (մենք՝ հայերս այս «քաղաքա-կանութեան» ծանր հետեւանքները կրած ենք անցեալին ու վերջերս), միւլչե-դեմ, աշխարհամարտեր տեսած եւ նախ՝ ԱԳԳԵՐԸ Լիկա, ապա՝ ՄԱԿ (նաեւ բազում այլ օգտակար կազմակերպութիւններ) ձեւաւորած աշխարհը ար-ժանի է շատ աւելի լաւին:

Նման հարցում հնչեցնողը կը նկատուի միամիտ, պարզամիտ կամ աշխարհի իրականութիւններէն ինքզինք խզած... «Ցակ գլուխ»: Այս սիւնակին մէջ առաւելաբար կանգ առինք Ուքրանիոյ (եւ յարակից) իրադարձութիւններուն աւելի՛ երեւցող երեսներուն վրայ, գծեցինք քանի մը գիծ (սպառնիչ, այլ ծալքեր պեղող ակնարկ մը կը կարօտի բազմապա-տիկ սիւնակներու): Անոց դիմաց, կան քիչ մը ստուերտու, նաեւ՝ ուշադրու-թիւններ վրիպող գիծեր, որոնք պիտի անդարդառանց առանձնաբար (յա-ջորդիւ):

ԿՍՄԻԹ

ԴԵՊԻ ՈՒՐ

Շուշի

Մարդուն մեկուն հարցուցեր են, թե արդե՞ք պատ կը շարե կամ որմնադրությունե՞ գաղափար ունի: Մարդն ալ պատասխանելով հաստատեր է, որ խոհարար է պարզապէս: Այս անգամ հարցնողները մարդուն առաջարկեր են խոհանոցի մը պատերը շարել: «*Խոհարար ես, խոհանոցէն կը հասկընաս, եկո՛ւր, մեր խոհանոցի պատերը շարե՛ ուրեմն*»:

Մարդն ալ յօժարեր է, որովհետեւ գործին մէջ լաւ վարձատրութիւն կայ:

Հալէպի մեր կազմակերպական կեանքի վիճակը երբեմն կը յիշեցնէ վերի պատմութիւնը: Կ' ուզ ենք ամբողջ աշխարհին ցոյց տալ, որ մենք տակաւին կանգուն ենք, տակաւին մեր միութիւններն ու կազմակերպութիւնները մեղուափեթակի պէս կը բանին, բայց արդե՞ք այժմ մը նետա՞ծ ենք որոշ միութիւններու կազմակերպութեան ու պատասխանատուներուն վրայ: Կը խօսինք «սերունդ պատրաստելու» մասին, սակայն գիտե՞նք որու կը յանձնենք մեր գաւակները: Այսօր հովիւը խոհարար եղեր է, խոհարարը՝ որմնադիր, որմնադիրը՝ աստղագետ, աստղագետն ալ՝ ճարտարապետ:

Այո՛, աներեւակայելի դժուար պայմաններէ անցանք, կորսնցուցինք մեր ուժերուն մեծամասնութիւնը, բայց այս մէկը չի նշանակեր, որ պետք է պա-



տահական մարդոց մեր միութիւններուն գլուխը անցընենք: Կ' ուզ ենք շեշտել, որ խօսքս բոլոր միութիւններուն մասին չէ, ունինք նաեւ շատ օրինակելի միութիւններ, որոնք պատասխանատուները թէեւ երիտասարդ, բայց յարգելի գործեր կը տանին, նախորդող տարիները ձեռք օրինակ:

Սփիւռքը ձուլման եզրին է: Հալէպն ու Պեյրուսը արհեստագործ կ'ըլլան:

Այս օրհասական պահերուն մեր դիմաց կայ երկու ճամբայ: Կամ նաւարկել հոսանքին ուղղութեամբ, – եւ հաւատացե՛ք տասը-քսան տարի ետք երանի՛ր պիտի տանք այս օրերուն, – կամ ալ պիտի նաւարկենք հակառակ ուղղութեամբ, պիտի դժուարանանք, պիտի յոգնինք, սակայն անպայման արդիւնք պիտի տանք եւ յուսանք, որ պիտի վերականգնենք հալէպահայութեան երբեմնի ծաղկուն կեանքը, թէեւ ոչ քանակով, բայց հաստատապէս որակով:

ՔԱՌԱՍՆԻՑ...

Սկիզբ՝ էջ 7

սրբանկարներէն իւրաքանչիւրին առջեւ:

Սիւներէն մեկուն վրայէն վար կը նայի վերածնունդի Աստուածածինը իր խաժ, բարի նայուածքով, մինչ իր արեւմտեան կանոնաւոր, գեղեցիկ դիմագիծերը երկնային գույնը կը պարզելեն արեւելեան այս տաճարին:

Անոնք, որոնք մաս կազմած են եկեղեցւոյ տիկիներու երգչախումբին, մեծ հպարտութեամբ կը պատմեն իրենց ծառայութիւնը եկեղեցւոյ:

Կ'ըսուի թէ 5 թէ 6-րդ դարերուն արդէն գոյութիւն ունեցած է այս եկե-

ղեցին, գոնէ իր գետնափոր բաժինով, որ մինչեւ այսօր ալ կայ տակաւին. հակառակ որ մէկ անգամ առիթ պիտի ըլլար հոն իջնելու, երբեք չեմ տեսած զայն: Տեսած եմ անոր լուսանկարները, որոնք ցոյց կու տան գետնափոր սրահ մը, որ փորուած է մեծ հաւատքով, ճիշդ Գեղարդի վանքին նման: Այդ ի՛նչ հաւատք ունեցած են մեր նախնիքը, նման տաժանակիր աշխատանք տանելու եւ քարէն ժանեակ հիւսելու համար:

Այսօր, իր նորոգութենէն ետք, Զառասնից Մանկանց եկեղեցին շատ աւելի խորհրդաւոր կը թուի, կարծես կրած տառապանքը եւ գաւակ կորսնցուցած մայրերուն արցունքները աւելի սրբացուցած ըլլան իր քարերը:

34 ՏԱՐԻ ԱՌԱՋ՝ 12 ՓԵՏՐՈՒԱՐ 1988-ԻՆ, ՍԿՍԱՒ ԱՐՑԱԽԵԱՆ ՇԱՐԺՈՒՄԸ

12 Փետրուար 1988-ին Արցախեան ազգային ազատագրական շարժումը սկսաւ Հաղրութի հանրահաւաքով, ուր մասնակիցները պահանջեցին Արցախի վերամիաւորու-

Ստեփանակերտի մէջ 12 Փետրուարին կատարել կուսակցական եւ տընտեսական ղեկավարներու հանդիպումներ, արձանագրութիւններ կազմելով դատապարտել մարզի



մը Հայաստանին: Հանրահաւաքի կազմակերպիչը Հաղրութի երկրագիտական թանգարանի տնօրէն, իսկ աւելի ուշ ԼՂՀ Գերագոյն խորհուրդի առաջին նախագահ Արթուր Մկրտչեանն էր, «Կռունկ» կոմիտէի անդամներ Իկոր Մուրատեան, Գրիգորի Հայրապետեան, Էմիլ Աբրահամեանն ու այլքը:

Հաղրութի հանդիպումը վերածուեցաւ հանրահաւաքի: Միաժամանակ նախօրէին՝ 11 Փետրուար 1988-ին Ստեփանակերտի մէջ Ատրպէյճանի կոմկուսի կեդրոնական կոմիտէի երկրորդ քարտուղար Վասիլի Կոնովալովի եւ Լեւոնային Ղարաբաղի առաջնորդ, մարզային կոմիտէի առաջին քարտուղար Պորիս Գեորգովի մասնակցութեամբ տեղի ունեցաւ մարզային կոմիտէի նիստ, որուն ընթացքին որոշուեցաւ ԼՂԻՄ-ի շրջաններուն՝ Հաղրութի, Ասկերանի, Մարտունիի, Մարտակերտի, ինչպէս նաեւ մարզային կեդրոն

մէջ տեղի ունեցող իրադարձութիւնները՝ ԼՂԻՄ-ը Խորհրդային Հայաստանի հետ վերամիաւորելու ստորագրահաւաքը եւ փութացնել դարբաղեան պատուիրակութիւններու այցելութիւնները Մոսկուա: Հասարակութիւնը պատասխանելով կը քալէր փողոցներէն՝ վանկարկելով «Մի-ա-ցում, մի-ա-ցում, մի-ա-ցում»:

Կարճ ժամկետով հանրահաւաքներու ալիքը շրջաններէն հասաւ մայրաքաղաք Ստեփանակերտ:

13 Փետրուարին ԼՂԻՄ-ի ընդ-յատակեայ խումբերը, որոնք ստորագրահաւաք կազմակերպած էին Ղարաբաղը Հայաստանին միաւորելու համար Մոսկուայի միջնորդութեան դիմելու, առաջին մեծ հանրահաւաքը իրականացուցին Ստեփանակերտի այսօրուան կեդրոնական հրապարակին մէջ, ուր տեղադրուած էր Լեւոնի արձանը:

Հանրահաւաքին մասնակցած էր մօտաւորապէս 8000 մարդ:

«ԳԱՆՁԱՍԱՐ»

ՊԱՇՏՈՆԱԹԵՐԹԻ ԱՆՁՆԱԿԱԶՍ

- Խմբագիր՝ Զարմիկ Զիլվերշեյն-Պողիկեան
- Սրբագրիչներ՝ Նուշիկ Սողոյեան-Առաքելեան
- Վեհան Պարսումեան
- Ձեւաւորող՝ Յովսէփ Զալօղլեան
- Գրաշար՝ Անի Թովալեան-Սարուխան
- Արաբերէն լուրերու թարգմանիչ՝ Մարէն Պապեան-Աղայեկեան
- Կայքէջի պատասխանատու՝ Աւօ Պօղոսեան
- Լուրերու պատասխանատու՝ Լուսին Ապաճեան-Զիլվերշեյն
- Հաշուապահ՝ Սեւակ Կիլվանեսեան

- Ծանուցողներէն եւ աշխատակիցներէն կը խնդրուի ծանուցումներն ու յօդուածները խմբագրատուն ուղարկել ամենէն ուշը Երկուշաբթի օրերը:

- Նախընտրելի է յօդուածներն ու թղթակցութիւնները ուղարկել գրաշարուած:

- Խմբագրատուն ուղարկուած նիւթերը, հրատարակուին կամ ոչ, չեն վերադարձուիր:

- Խմբագրութեան վերապահուած է ստացուած յօդուածներու հրատարակելու կամ չհրատարակելու որոշումը:

- Ձեր ծանուցումներն ու յայտարարութիւնները կարելի է հրապարակել «Գանձասար»-ի տպագիր տարբերակին եւ կայքէջին միջոցով:

ԻՆՉ Կ'ԸՍԵՆ ԱՍՏՂԵՐԸ

ԽՈՅ
Այս շաբաթ ընկերային հարցերով պիտի ծանրաբեռնուի ձեր առօրեան: Խոհեմութեամբ եւ համբերութեամբ ելք կարելի է գտնել:

ՑՈՒԼ
Եղանակի փոփոխութիւնը դրական ներգործութիւն պիտի ունենայ ձեր հոգեկան աշխարհին վրայ: Աշխոյժ եւ նախաձեռնող պիտի ըլլաք այս շաբաթ:

ԵՐԿՈՒՐԵԱԿ
Սիրոյ տօնին առիթով պիտի վերանորոգէք ձեր խոստումը եւ ամրապնդէք կապը ձեր ընտրեալին հետ:

ԽԵՅՁԵՏԻՆ
Բարեկենդանի հաւաքոյթի ընթացքին բոլորին ուշադրութեան առարկան պիտի դառնաք թէ՛ ձեր գրաւչութեամբ եւ թէ՛ մտայնացումներով:

ԱՌԻԾ
Երբեմն հապճեպով որոշումներ կ'առնէք, առանց խորանալու անոնցմէ: Այս պատճառով ալ խիստ քննադատութեան կ'ենթարկուիք:

ԿՈՅՍ
Թոյլ մի՛ տաք, որ պաշտօնի բարձրացումը ձեր հաւասարակշռուած դատողութիւնը խախտէ: Կրօնը դատեցէ՛ք, որպէսզի պահպանէք ձեր ժողովրդականութիւնը:

ԿՇԻՈՔ
Անիմաստ ընկերային յարաբերութիւններուն վերջ տուէ՛ք: Ընկերներն ալ պէտք է ճշգրտօրէն ընտրել, որպէսզի անոնք ձեր իմացական եւ հոգեկան աշխարհը գունաւորեն:


ԿԱՐԻՃ
Անարդարութիւններուն դիմաց լուռ մի՛ մնաք, այլ պէտք է մարդիկ ձեզ կրաւորական պիտի համարեն ու կորսնցնեն ձեզի հանդէպ վստահութիւնը: Լռութիւնը միշտ ալ ոսկի չէ:

ԱՂԵՂՆԱՌՐ
Խոչընդոտները շատ են, բայց ձեր աշխատանքին ընթացքը յաջող է այս շաբաթ: Աստիճանաբար կրնաք շրջանցել դժուարութիւնները: Համբերող եւ յարատեւող եղէ՛ք:

ԱՅՑԵՂՋԻՐ
Մոռցուած սեր մը պիտի թակէ ձեր սրտին դուռը եւ քաղցր յուշեր արթնցնէ: Պիտի վերաշխուժանան ձեր նախկին յարաբերութիւնները:

ՁՐԻՍ
Անվստահելի մարդոց ձեր անձնական հարցերը մի՛ պատմէք: Անոնք կրնան շահագործել ձեր բարի սիրտը:

ՁՈՒԿ
Նոր գործի հրաւեր մը պիտի ստանաք, ինչ որ պիտի բարելաւէ ձեր տնտեսական վիճակն ու ընկերային դիրքը:



Անուս Տէր Պողոսեան-Տարաքճեան

ԲԱՐԵԿԵՆԴԱՆԻ ԱՄԱՆԴԱԿԱՆ ՏԻԿՆԻԿՆԵՐ

Հայաստանի տարբեր շրջաններուն մէջ, Բարեկենդանի ավանդույթներուն մէջ գոյութիւն ունեն երեք տիկնիկներ՝ Ուտիս տատիկը, Պաս պապիկը կամ Ակլատիզը, որոնք խորհրդանշական տեղ կը գրաւեն Բարեկենդանի տօնակատարութիւններուն մէջ:



Ուտիս տատիկը կը համարուէր ճոխ կերակուրներ հովանաւորող տիկնիկը, որ հրապարակ իջնելով, մարդոց խորախճանքի կը հրաւիրէր:

Ուտիս տատիկը Բարեկենդանի օրերուն բոլորը կերուխումի կը հրաւիրէր: Իսկ Բուն Բարեկենդանին, Ուտիս տատիկը հանդիսաւոր կերպով կը գլորէին սարի բարձունքէն դէպի վար:

Հրապարակ կը հանէին Պաս պապիկը կամ Ակլատիզը, որ Պահքի հովանաւոր տիկնիկն էր: Այս մէկը կը պատրաստէին սոխով կամ գետնախնձորով, մէջը կը խրէին եօթը փետուր, ապա անոր հագուստը կը դասաւորէին ու զինք տան առաստաղէն կը կախէին երգելով.....

«Տատր գևաց շերտիդ ձեռքին, Պապը եկաւ չոմբախն ուսին»:

Ակլատիզը կը պատրաստուէր ընդհանրապէս ծերունիի տեսքով: Ան կ'ունենար փարթամ, սպիտակ մօրուք եւ հագուստ՝ երկարած թելերով, որոնցմէ քարեր կը կախէին:

Երբ քարերը կախէին, մանուկները կ'երգէին.

«Ակլատիզ, վրանը վիզ եկաւ մեզ հիւր՝ կախուաւ երդիքիս»:

Եօթը փետուրները կը խորհրդանշէին Մեծ



Պահքի 7 շաբաթները:

Իւրաքանչիւր շաբթուան վերջը կը պոկէին մէկ փետուր: Փետուրը պոկելու արարողութեան կ'ուղեկցէին յատուկ երգեր:

Իւրաքանչիւր փետուր հանելէ ետք կ'երգէին.

«Ճիճու ճիճուարա՛նք դուրս, Ցորեն, գարին՝ ներս»:

Այս խօսքերը արտասանելէ ետք փետուրը կը կտրտէին եւ մէկ կողմ կը նետէին:

Ակլատիզը կը կատարէր Մեծ Պահքի հսկիչին դերը, Ակլատիզով յաճախ կը վախցնէին մանուկները:

Կարգ մը մարդերու մէջ՝ Պաս պապիկը մեծ շերտիկով կը հարուածէր Ուտիս տատիկին, տունէն դուրս կը վտարէր զինք, այն պատրուակով, որ ան պահքի շրջանին մանուկներուն իւզոտ եւ մտտ կերակուրներ կը պատրաստէ:

Իսկ Մեծ Պահքէն ետք ուրախ եւ առոյգ տատիկը կը վերադառնար եւ մածունի իւզոտ շերտիկով կը հարուածէր Պաս պապիկին գլխուն, այս անգամ զինք դուրս վտարելով տունէն:

ՆԵՐԿԱՅԱՅՈՒՄՆԵՐ

Բարեկենդանին կը պատրաստէին թատերական ներկայացումներ՝ ծիծաղաշարժ կատակներով քննադատութեան կ'ենթարկէին մեծաւորները եւ իշխանութիւնը: Ամեն մարդ առանց վերապահութեան կ'արտայայտէր իր միտքը, մէկ կողմ դնելով պետական կամ եկեղեցական կանոնները: Կը պատրաստէին դրօշներ եւ զինանշաններ:



Յաճախ կը կատարէին նաեւ կենցաղային նիւթերով թատերախաղեր: Օրինակ՝ «Խնամախօս» ներկայացումը Մարաշի մէջ:

Կիները բահը կ'անցնէին կնոջ կամ նորահարսի հագուստին: Անոր գլուխը կը ծածկէին զանազան քողերով ու ծածկոցներով:

Նորահարսը կը պտտէր գիւղի ամբողջ թաղերը, ետքը բակին մէջ կը կանգնէր եւ մինչեւ երեկոյ գիւղացիները իր շուրջը կը պարէին:

ԲԱՐԵԿԵՆԴԱՆԻ ՈՒՏԵՍ

Բարեկենդանի առաջին օրը ընդունուած էր գաթայ ու հալվա պատրաստել:

Երեկոյեան կ'ունէին կաթնապուր եւ մածուն: Նախապատուութիւնը տրուած էր ձաւարով կամ համեմունքներով խորոված ոչխարին:

Բուն բարեկենդանի երեկոյեան սովորութիւն էր խաշուած հաւկիթ ուտել եւ այդպիսով խորախճանքը փակել:

«Մեր բերանները կը փակենք սպիտակ հաւկիթով,

Աստուած արժանացնէ կարմիր հաւկիթով բանալու գանոնք»:

ՏՕՆԸ

Հրապարակի մէջ կը կազմակերպէին տարատեսակ խաղեր, պարեր, թատերական ներկայացումներ՝ դիմակահանդէսներ:

Բարեկենդանը, ամեն բանէ առաջ, ազատութեան օր էր:

Բուն Բարեկենդանին յաջորդօրը, ժամերգութեան ընթացքին, եկեղեցւոյ խորանին վարագոյրը կը գոցուի եւ խորանը կը ծածկուի մինչեւ քառասունօրեայ պահքի ավարտը:

Այս ժամանակ կը մատուցուի փակ պատարագ, Ս. Պսակի արարողութիւններ տեղի չեն ունենար, կ'արգիլուի նաեւ մատաղ կատարելը:

Մարզական



Ռաֆֆի Սիլահեան

ՏԵՂԱԿԱՆ

ԼՈՒՐԵՐ ՍՈՒՐԻՈՅ ՄԱՐԶԱԿԱՆ ԿԵԱՆՔԵՆ

- Սուրիոյ ֆուտբոլի Դաշնութիւնը Սուրիոյ հաւաքականի նոր մարզիչ նշանակեց Ղասան Մաաթուքը, որ փոխարինեց պաշտօնագուրկ եղած Թիթա Վալերիօն: Ղասան նախապէս մարզած է Դամասկոսի Ուահտէն:

- Ուրբաթ օր Զալէպի Իթթի-հատ ակումբի ֆուտբոլի խումբի մարզիչ Անաս Սապունիին ներկայացուց իր հրաժարականը: Վարչութիւնը զինք փոխարինող նշանակեց երիտասարդական խումբի մարզիչ Մասն Ռաշտը:



- Սուրիոյ ֆուտբոլի Ա. դասակարգի ախոյեանութեան մրցումներուն, Զալէպի Իթթիհատը անգամ մը եւս չկրցաւ յաղթական ավարտել իր խաղը եւ 1-1 հաւասարութիւն արձանագրելով դուրս եկաւ մրցումէն: Նոյն արդիւնքով ավարտեցաւ Աֆրիկի եւ Նաուաիրի հանդիպումը: Դամասկոսի Ուահտէն 2-0 արդիւնքով զիջեցաւ Ուասպէին, իսկ Թշրինը 1-0 արդիւնքով յաղթեց Ֆթուէին: Ահլիսակի առաջին դիրքը կը գրաւէ Ուասպէն, անոր կը յաջորդէ Թշրինը:

ՀԱՅԿԱԿԱՆ

ՎԱՐԱԶԴԱՏ ԼԱԼԱՅԵԱՆ՝ ՀԱՅԱՍՏԱՆԻ ԾԱՆՐԱՄԱՐՏԻ ԱՆՈՅԵԱՆ

Հայաստանի ծանրամարտի հերթական առաջնութիւնը տեղի ունեցաւ Երեւանի ողիմպիական հերթափոխի պետական մարզահամալիրին մէջ: Ներկաները մեծ խանդավառութեամբ հետեւեցան գերծանր կշիռքի ծանրորդներու մրցումներուն:



Հայաստանի ախոյեան դարձաւ Վարազդատ Լալայեան, անոր յաջորդեցին Գոռ Մինասեանն ու Սիմոն Մարտիրոսեանը: Մնացեալ ծանրութեան կարգերուն ոսկի մետալի արժանացան Մարթիկ Յակոբեան (55 քկ.), Անդրանիկ Պապեան (61 քկ.), Գոռ Սահակեան (67 քկ.), Արմէն Գրիգորեան (73 քկ.), Ռաֆիկ Յարութիւնեան (81 քկ.), Յակոբ Մկրտչեան (89 քկ.), Դաւիթ Յովհաննեսեան (92 քկ.), Արսէն Մարտիրոսեան (102 քկ.) եւ Սամուէլ Գասպարեան (109 քկ.):

ՄԻՋԱԶԳԱՅԻՆ

ՉԵԼՍԻ ԱՇԽԱՐՀԻ ԱԿՈՒՄԲԵՐՈՒ ԱՆՈՅԵԱՆ

Պատմութեան մէջ առաջին անգամ ըլլալով, Անգլիոյ Չելսիին յաջողեցաւ տիրանալ աշխարհի ակումբներու ախոյեանութեան, ավարտական մրցումին պարտութեան մաստէլով Պրագիլի Փալմըրը՝ 2-1 արդիւնքով: Հանդիպումի առաջին կիսախաղը ավարտեցաւ 0-0 արդիւնքով, 55-րդ վայրկեանին, Չելսիի խաղացող Լուքաքուն նշանակեց կազմին առաջին կողմը, որմէ 10 վայրկեան ետք Ռաֆայէլ Վիկան արձանագրեց հաւասարութեան կողմը: Չոյգ խումբերը յաւելեալ ժամանակաշրջանի խաղարկութեան անցան, 12-րդ վայրկեանին Չելսիին տուգանային հարուածով նշանակեց յաղթանակի կողմը եւ հանդիպումը շարունակեց մինչեւ ավարտ 2-1 յաղթանակով: Նշենք, թէ Չելսի երրորդ անգլիական ակումբն է, որ կը տիրանայ աշխարհի ակումբներու ախոյեանութեան: Նախապէս տոյն տիտղոսին արժանացած են Մանչեսթըր Իւնայթըտը 2008-ին եւ Լիվըրփուլը 2019-ին:



ԽԱԶԲԱՌ (ՄԽ 378)

Պատրաստեց՝ Մարինա ԶիլԱբօշեան-Պօղիկեան

	1	2	3	4	5	6	7	8	9	10	11	12
1												
2												
3												
4												
5												
6												
7												
8												
9												
10												
11												
12												

Հորիզոնական

- Դերենիկ Դեմիրճեանի թատերախաղերէն, որուն դէպքերը տեղի կ'ունենան Զին-Ջուղա քաղաքին մէջ: Տօթ:
- Անգոր:
- Ցաւի ճիչ: Անձնական դերանուն: Կրկնուած ձայնաւորներ: ՄԵԿը:
- Շատ բարակ: Սիւսմանքի ծննդավայրը:
- Անմիջապէս: Առաջին կիկը:
- Բեռի տակ ծռիլ: Լուսինի բակ:
- Ձայնանիշ:
- Հռչակաւոր:
- Միշտ աճող: Հակառակ՝ շաղկապ:
- Անսահման: Ոչխարի բուրդ՝ խուզուած ու մաքրուած:
- 420: Վշտալի:
- Սաստիկ ծեծի ենթարկել: Ճափոնական թատրոն:

Ուղղահայեաց

- Արքունի պահակ: Ոտանաւորի տողերուն սմանահնչիւն վերջաւորութիւնը, որ կը կրկնուի երկու կամ ավելի անգամներ:
- Ասացուածքը կ'ըսէ. «..... ըսածդ կ'ըրէ Է, խորի՛, վերջը գ'ըրէ»: Իգական օտար անուն:
- Իրերայաջորդ տառեր: Սուրբ Պատարագի բաժակ: Հակառակ՝ յոգնակերտ մասնիկ:
- Հակառակ՝ իգական օտար անուն: Երաժշտական ձայնանիշ:
- Աշակերտ: Հակառակ՝ 5100:
- Հող: Ձայնաւոր տառեր: 6001:
- Կարող: Բաղաձայն տառեր: Տարածքի միւտոր:
- Հաց: Կրկնուած բաղաձայններ: Հակառակ՝ շաղկապ:
- Ահաւասիկ: Եւս:
- Իրարմէ բաժնել: Հակառակ՝ ձայնանիշ:
- Գիշերը լուսաւորող արբանեակ:
- Տաղանդաւոր:

ԽԱԶԲԱՌ (ՄԽ 377)

	1	2	3	4	5	6	7	8	9	10	11	12
1	ը	բ	ա	ղ	բ	ա	լ	ե	ա	ն		
2	ն	մ	ռ	ա	յ	լ	ր	ր				
3	տ	ր		տ	ա				կ	ա	ր	ս
4	ր	ո	պ	է		ե	ս		մ	ր	ա	
5	ա	ա	ր		ե	պ		ա	ր			
6	ն	ե	տ	ա	ր	դ	ի	2	դ			
7	ի	ո	ս	պ	ն	լ	ո	ր	ա			
8	ո	լ	ա	ր	դ		ա	տ	ր			
9	2	ա	թ	ե	ր	տ		լ	ա			
10	ո	ս	կ	ի	ա	պ	ր	2	ա	ն	պ	
11	գ	յ	ա	ր				ե	լ	ա		
12	ի	ն	ե	ց	ո	լ	կ		ղ	ա	տ	

ԼՈՒՐԵՐ

Երկուբերօր
21/2



10° 17°

Երեքբերօր
22/2



9° 18°

Չորեքբերօր
23/2



9° 18°

Հինգբերօր
24/2



7° 16°

Ուրբաթ
25/2



4° 14°

Շաբաթ
26/2



5° 16°

Կիրակի
27/2



6° 15°



ՏԵԱՌՆՆՂԱՌԱՋԻ ՆԱԽԱՏՈՆԱԿ ԲԵՐԻՈՅ ՀԱՅՈՅ ԹԵՄԷՆ ՆԵՐՍ

Կիրակի, 13 Փետրուար 2022-ի յետմիջօրէին, Բերիոյ Հայոց Թեմի ճեգիրէ շրջանի, Լաթաքիոյ, Քեսապի եւ Հալէպի բոլոր եկեղեցիներէն Ներս հանդիսաւորապէս յիշատակուեցաւ քառասնօրեայ Մանուկ Յիսուսի տաճար ընծայման տօնը՝ Տեառննղառաջը:

Բերիոյ Հայոց Թեմի Բարեչան Առաջնորդ Գերշ. Տ. Մասիս Սրբ. Եպս. Չօպուեան Հալէպի Ս. Աստուածածին եկեղեցւոյ մէջ հանդիսապետեց Տեառննղառաջի Նախատօնակի արարողութեան եւ օրուան խորհուրդը ուղղեց հոծ բարեպաշտներուն:

Եկեղեցւոյ դպրաց դասին կողմէ հնչեցին Յիսուս Մանուկի տաճար ընծայումը նկարագրող շարականներ, ղեկավարութեամբ՝ դպրապետ բարշ. տոքթ. Սարգիս սրկ. Իսկէնեանի:

Նախատօնակի արարողութեան աւարտին կատարուեցաւ Անդաստանի կարգ, որուն ընթացքին օրհնուեցան աշխարհի չորս ծագերը:

Սրբազան Հայրը օրուան խորհուրդը պարզաբանեց Ներկաներուն, յայտնելով, որ Յիսուս Մանուկին տաճար այցելութեամբ Աստուծոյ հետ հանդիպում տեղի ունեցաւ: Ան դիտել տուաւ, որ հազարաւոր ուխտաւորներուն մէջէն Սիմէոն ծերունին եւ Աննա մարգարեուհին իրենց հաւատքին շնորհիւ արժանի դարձան կենդանի աչքերով տեսնելու Յիսուս Մանուկը:

Մասիս եպիսկոպոս յայտնեց, թէ Տեառննղառաջի տօնը լուսաւորուելու եւ ծառայելու օր է, որպէսզի Քրիստոսի Նման մեր կեանքերը ընծայաբերենք Աստուծոյ եւ Անոր կամքը կատարենք:

Սրբազան Հայրը աղօթեց, որ Ամենակալը օրհնէ եւ պաշտպանէ մեր մանուկները, երիտասարդները եւ հաստատուն պահէ լուսաւորչեան կանթերը վառ պահող Հայաստանեայց Առաքելական Սուրբ Եկեղեցին:

Սուրբ Խորանի կանթերին լոյսով Առաջնորդ Սրբազան Հայրը լուսաւորեց հաւատացեալներուն մոմերը, ապա հանդիսաւոր թափօրով ուղղուեցաւ դէպի Կրթասիրաց Ս. Չեմպերճեան Երկրորդ Վարժարանի բակը, ուր տեղի ունեցաւ խարոյկի աւանդական հրավառութիւն, որուն ընթացքին Ս. Աստուածածին եկեղեցւոյ դպրաց դասը Ներկաներուն մասնակցութեամբ երգեց «Ուրախ Լեր» շարականը, «Կիլիկիա» մաղթերգը, «Տէր Ողորմեա՛ն» եւ Տէրունական աղօթքը: Տօնակատարութիւնը վերջ գտաւ Հայաստանի Հանրապետութեան Օրհներգի միասնական երգեցողութեամբ:

Տեառննղառաջի աւանդութեան համաձայն, հաւատացեալները իրենց նորածին երեխաները ընծայաբերեցին Սուրբ Խորանին, ստանալու աստուածային օրհնութիւնները: Անոնք Քրիստոսի լոյսը խորհրդրդանշող ճրագը իրենց տունները տանելով օրհնեցին Նաեւ իրենց օճախները:

